



UNIVERSITÄTS-
BIBLIOTHEK
PADERBORN

Universitätsbibliothek Paderborn

Specvlvm Iuentvtis, Sive Insigniores Pveritiæ Atqve Adolescentiæ Sanctorvm

Bosendorf, Hermann

Monasterii VWestphalorvm, 1615

Ludouicus rex Francorum 25. Aug.

urn:nbn:de:hbz:466:1-42900

stavit, vt foris ante atrium Cruci affixi mor- ^{Omnes in}
tem subirent. Atq; hoc certamine gloriosi ^{crucem}
martyres trophæis victoriæ inclyti ad coro- ^{aguntur.}
nas feliciter euolarunt.

PVERITIAS. LVDOVICI REGIS

Francorum 25. Aug. Sur. Tom. 4.

BEatus Ludouicus Rex Francorum longè
pijsissimus, patre Ludouico Christianissi-
mo natus, anno ætatis suæ circiter duodecimo
Rhemi ab Episcopo Sueffionensi, regia infig-
nitus corona, & consecratus fuit. At puer san-
ctæ indolis, itrenuissimo patre orbatûs, sub
tutela & moderatione matris Blanchæ regis
Castellæ filix permanfit: quæ illum tenerrimè
diligens ex consilio religiosorum homi-
num, præsertim Dominicanorum & Franciscanorum
singulari cuidam magistro tradidit
moribus ac literis instituendum. Ille vero pi-
us puer, & velut alter Salomon, ingeniosus &
bonam sortitus animam, præ coætaneis suis
mirè in vtrifq; profecit. A primis enim ætatis ^{Mundus}
initijs, deditus fuit pietatis & sanctitatis stu- ^{ab omni}
dijs, ferturq; vitam omnem absq; mortiferi a- ^{noxæ mor-}
licius peccati perpetracione exegisse. Eius ^{tali.}
vero sanctitati non rarò congratulans Blan-
cha mater: Mallem, aiebat, fili te mortuum
cernere, quam creatorem tuum mortali cri-
mine offendentem. Quæ verba vsq; adeo cor-
di ipsius inhæsere, vt diuina ipsum gratia pro-
tegente, nunquam in se eiusmodi crimen ad-
miserit.

Mundus
ab omni
noxæ mor-
tali.

miserit. O vitam plane regiam! Accessit dein
 maturior ætas primordijs tantæ virtutis con-
 sona. Quando sacro coniugij fœdere implica-
 tus (vt cætera præclarè gesta præteream) ope-
 ram dedit singularem, vt proles suas verbis &
 exéplis ad amoré Dei, ad mundi cõtemp-
 tum, & ad sui cognitionem institueret. Cũ enim per
 otium liceret vacare sibi, inuisebat liberos suos,
 & instar Tobie monita salutis eis dabat: doce-
 bat ante omnia timere Deum, & ab omni sem-
 per peccato abstinere. Cumq; non ignoraret à
 delicijs castitati, à diuitijs pietati, ab honorib;
 humilitati magna impèdere picula, sobrietati,
 humilitati & misericordiæ dedit animũ, proin-
 deq; à mundi, carnis & Satanæ insidijs sollicitè
 sibi cauens: atque cum Apostolo corpus suum
 castigãs & in seruitutem redigens, multo tem-
 pore intima veste cilicina utebatur: qua si non
 esset vsus, dehortante eum cõfessario propter
 nimiam imbecillitatem, volebat vt idem con-
 fessarius pro quadam compensatione diebus
 singulis quadraginta solidos Parisienses clan-
 culum in pauperes erogaret. Semper ieiunauit
 sextis ferijs, nec ijs diebus, præsertim in Ad-
 uentu & Quadragesima, piscibus aut fructibus
 vesci voluit, vigilijs orationibus & clandesti-
 nis abstinentijs perpetim se affligens. Tan-
 demq; post vitam sanctissimè traductam,
 inclytis beatorum choris transcri-
 bi promeruit.

EIVSDEM

EIVSDEM S. LVDOVICI SANCTISSI-
mae institutiones quas Philippo primogenito suo in Tu-
netana obsidione dedit, quarum exemplar memorat.
Rob. Gaguinus, lib. 7. de gest. Francorum, in archi-
uis Caroli quinti Gallorum regis reper-
tum fuisse.

Fili mi, ante omnia diligenter in eam cu-
 ram incūbe, vt diligas Deum, nemo enim
 potest esse saluus nisi Deum amet.

Cave ne vnquam admittas peccatum mor-
 tiferū: sed omnia potius ferre velis genera tor-
 mentorū, quàm aliq̄ talem ppetrare culpam.

Cum aduersa accidunt, feras æquo animo,
 & cogites te commeruisse: atq; ita lucrum tibi
 indè accedet.

Cum rebus prosperis frueris, humiliter Deo
 gratias age, ne indè animo elatus, efficiaris de-
 terior, vnde te oportuit fieri meliorem.

Crebrò cōfitearis peccata tua, deligasq; ti-
 bi sapientes confessarios, qui te possint insti-
 tuere & docere, quid te agere quidue vitare o-
 porteat, & coram illis ita te compara, vt aude-
 ant sincere te reprehendere, & tua tibi vitia
 indicare.

Officium diuinum deuotè ausculta: facer-
 sant ibi fabulæ & nugæ, nec oculi huc atque il-
 luccircūferantur: sed ora Deum ore, & etiam
 meditando corde, idq; præcipuè sub sacrificio
 post peractam consecrationem.

Animo sis pio & humano erga pauperes &
 calamitosos, ijsq; pro viribus opitulare.

Si quid animum angat id mox confessario, aut viro alicui bono expone, ita fiet, vt facilis id feras.

Da operam, vt quorum vteris consuetudine & familiaritate, ij sint homines probi & integri, siue religiosi illi sint, siue sæculares, & cum illis libenter misce colloquia: porro nequam & improborum virorum commercia deuita.

Sermones qui fiunt de Deo, publicè & priuatim lubens audias, preces quoque & condonationes siue Indulgentias studiosè expetas,

Amato bonum, odio habe vniuersum malum.

Nemo te præsentem quicquam eiusmodi loqui audeat, quod alliciat ad mortiferum peccatum, aut alterius famæ derogat; nec tu vquam de villo malè loquaris obtrectandi animo.

Non patiaris quenquam te audiente, peruerse de Deo aut sanctis eius loqui, nec id finas impune abire.

Crebro gratias age Deo, pro bonis omnibus ab illo tibi collatis, vt dignus fias potioribus eius beneficijs affici & augeri.

In administranda iustitia sis rectus & severus, eamque iuxta legum præscriptiones erga subditos exerce: pauperum vero querimonias caue reijcias donec veritas innotescat.

Si quis habeat aduersum te querelam aut controuersiam, semper ab illo stes contra te ipsum,

ipsum, donec rem certam comperias. Ita enim fiet, ut consiliarij tui fidentius iustam ferant sententiam.

Si quid possideas rei alienæ, etiamsi id acceperis à maioribus tuis, incunctanter iusto possessori restitue, ubi id certò constiterit. Sin autem dubia res est, cura ut viri sapientes accurate & sine mora inquirant. Id enim vel maximè studere debes, ut qui sunt in ditione tua, pace & iustitia fruantur, imprimis homines religiosi & qui in clero sunt.

Parentibus tuis debes amorem, reuerentiam & obedientiam. Beneficia ecclesiastica ne conferas nisi benè dignis, & qui nulla eiusmodi beneficia habeant, idq; ex còsilio bonorum virorum.

Bellum, præsertim aduersus quemlibet Christianum, sine multo còsilio vide ne suscipias. Si necessitas cogat suscipere, ecclesias & infantes nullo patiaris damno affici.

Si qua existat vel tibi, vel subditis tuis contentio, vel bellum, quoad poteris sedare & cõponere coneris.

Vide ut bonos habeas prætores & magistratus, & de illis solerter inquiras, uti se gerant.

Semper sis addictus & deuotus Romanæ Ecclesiæ: & eius Pontifici, haud secus atq; spiritali patri, te morigerum præbeas.

Da operam ut impensæ tuæ moderatæ sint & rationi consentanæ.

Sub finem hortor & adiuro te fili mi, si me

Cc con-

contigerit ante te migrare ex hac vita, vt toto regno Franciæ preces & sacrificia pro me curas offerri.

S E P T E M B E R.

PVERITIA S. NICOLAI TOLENTINATIS ordinis S. Augustini 10. Septemb.

Sur. Tom. 5.

S Nicolaus Tolentinas, è sterili coniugio, post multas parentum preces, & votum B. Nicolao factum in territorio Firmanæ ciuitatis, quod castrum S. Angeli vocitant, procreatus, prædictionem S. Nicolai eiusdem parentibus de futura filij sanctitate factam, admirandæ virtutis & pietatis comprobauit exemplo. Hic inter primordia ætatis adhuc paruulus mulierum & puerorum leuium non lasciuia modo, sed & consortia sedulo deuotans, religiosæ iam tum vitæ specimen præbebat: Pauperes in domo paupere cupidissimè recipiebat: Rebus diuinis libentissimè intererat. Verbum Dei haud aliter ac maturæ ætatis homo attentissimè auscultabat. Quæ cum in puerulo sui castri homines non sine admiratione notassent, de futura eius sanctitate minime dubijs sententijs augurabatur. In Ecclesia adeo pium & deuotum in Deum erigebat animum, vt etiam corporeis oculis Christum in iuuentute vidisse credatur. Hinc cū tot clarus virtutibus cunctis mirifice diligeretur, in Ecclesia S. Saluatoris canonico beneficio honor-

*Fuga pueri
na societatis.*

*Miseri-
dia.
Pietas.*